

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKO VIJEĆE
Broj: 01-04-1000-1/21
Dana, 04.10.2021.godine**

Na osnovu člana 2.12 stav (5) Izbornog zakona Bosne i Hercegovine („Službeni glasnik Bosne i Hercegovine“, broj: 23/91., 7/02., 9/02., 20/02., 25/02., 4/04., 20/04., 25/05., 52/05., 65/05., 77/05., 11/06., 24/06., 32/07., 33/08., 37/08., 32/10., 18/13. 7/14, 31/16 i 41/20.), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 29/18. i 36/19.) i Odluke o objavljivanju Javnog oglasa za imenovanje članova Općinske izborne komisije Doboj Jug („Službeni glasnik općine Doboj Jug“, broj:05/21) Općinsko vijeće Doboj Jug objavljuje

**JAVNI OGLAS
za imenovanje članova Općinske izborne komisije Doboj Jug**

I

Objavljuje se javni oglas za imenovanje tri člana Općinske izborne komisije Doboj Jug. Članove Općinske izborne komisije imenuje Općinsko vijeće Doboj Jug, uz saglasnost Centralne izborne komisije Bosne i Hercegovine, na period od 7 (sedam) godina.

II

U skladu sa Izbornim zakonom Bosne i Hercegovine i Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini, osoba koja je kandidat za člana Općinske izborne komisije Doboj Jug, treba ispunjavati sljedeće opće uvjete:

- da je osoba sa pravom glasa;
- da je osoba sa odgovarajućom stručnom spremom i iskustvom u provođenju izbora.

III

Pored općih uvjeta iz tačke II ovog Javnog oglasa, osoba koja je kandidat za člana Općinske izborne komisije Doboj Jug mora ispunjavati i sljedeće posebne uvjete:

- da ima prebivalište u općini Doboj Jug,
- da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS, i
- da posjeduje iskustvo u provođenju izbora.

Pod iskustvom u provođenju izbora, podrazumijeva se:

- a) članstvo u izbornoj komisiji i
- b) članstvo u biračkom odboru na izborima obuhvaćenim Izbornim zakonom BiH.

Izuzetno od odredbi tačke III stav 1. alineja 1. ovog Javnog oglasa, član izborne komisije može biti lice sa prebivalištem iz druge općine, ukoliko nema kandidata sa prebivalištem u općini Doboj Jug, koji ispunjavaju uslove tražene javnim oglasom.

Izuzetno od odredbi tačke III stav 1. alineja 2. ovog Javnog oglasa, član izborne komisije može biti lice koje ima završenu višu školu, odnosno VI stepen stručne spreme ako je potrebno ispoštovati odredbe člana 2.14 stav (1) Izbornog zakona BiH.

Izuzetno od odredbi tačke III stav 1. alineja 3. ovog Javnog oglasa, član izborne komisije može biti osoba koja ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja sa najmanje 180 ETCS bez iskustva u provođenju izbora.

IV

Sastav Općinske izborne komisije Doboj Jug je multietničan tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

U sastavu Općinske izborne komisije Doboj Jug nastojat će se osigurati zastupljenost spolova u skladu sa Zakonom o ravnopravnosti spolova u Bosni i Hercegovini.

V

U skladu sa odredbama člana 2.3 Izbornog zakona BiH, za člana Općinske izborne komisije Doboj Jug ne može biti imenovana osoba:

- koja se ne može kandidirati u smislu odredaba članova 1.6, 1.7 i 1.7a Poglavlje I Izbornog zakona BiH,
- koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
- koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4. Poglavlje II Izbornog zakona BiH,
- koja je kandidat za izbore za bilo koji nivo vlasti,
- kojoj je izrečena kazna za radnju koja predstavlja težu povredu izbornog zakona ili propisa, za koju je lično odgovorna, u posljednje četiri godine, računajući od dana pravosnažnosti odluke.

VI

Član Općinske izborne komisije Doboj Jug ne može biti zastupnik, odnosno punomoćnik političkog subjekta, koji učestvuje na izborima, ili osoba koja je pravomoćnom sudskom presudom osuđena na kaznu zatvora u trajanju od šest mjeseci ili duže.

VII

Član Općinske izborne komisije Doboj Jug ne može biti osoba koja obavlja izvršnu funkciju, kako je utvrđeno odredbom člana 1.8 stav 6 Izbornog zakona BiH, odnosno osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko/gradsko vijeće, odnosno skupština općine.

VIII

Uz prijavu na ovaj Javni oglas potrebno je dostaviti sljedeću dokumentaciju:

1. kraću biografiju sa osobnim podacima kandidata (ime i prezime, ime oca, adresa, kontakt telefon, nacionalna pripadnost, naznaka da li se radi o kandidatu muškog ili ženskog spola),
2. obrazac PBA-3 o prebivalištu izdato od strane CIPS-a (ne stariji od tri mjeseca, od dana izdavanja od strane nadležnog organa),
3. ovjerenu fotokopiju diplome o stečenoj stručnoj spremi,
4. dokaz o posjedovanju iskustva na provođenju izbora koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta u kojem je kandidat bio član biračkog odbora, te podatak da je kandidat bio angažovan u radu biračkog odbora i obavljao ovu dužnost,
5. svojeručno potpisanu i od strane nadležnog organa ovjerenu izjavu o nacionalnom izjašnjenju sa posljednjeg popisa stanovništva u Bosni i Hercegovini,
6. svojeručno potpisanu i od strane nadležnog organa ovjerenu izjavu o nepostojanju smetnji iz člana 2.3. Izbornog zakona Bosne i Hercegovine, odnosno da osoba koja je kandidat za člana Općinske izborne komisije Doboj Jug:
 - nije osoba koja se ne može kandidirati sukladno članu 1.6, 1.7 i 1.7a Poglavlje I Izbornog zakona BiH,
 - nije osoba koja je član najvišeg izvršno-političkog tijela političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
 - nije osoba, koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4. Poglavlje II Izbornog zakona BiH,

- nije izborni kandidat za bilo koji nivo vlasti u Bosni i Hercegovini;
 - nije osoba kojoj je izrečena kazna za radnju koja predstavlja težu povredu izbornog zakona ili propisa, za koju je lično odgovorna, u posljednje četiri godine, računajući od dana pravosnažnosti odluke.
7. svojeručno potpisanu i od strane nadležnog organa ovjerenu izjavu o nepostojanju smetnji iz tačke VI ovog Javnog oglasa, odnosno da osoba, koja je kandidat za člana Općinske izborne komisije Doboj Jug nije zastupnik, odnosno punomoćnik političkog subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.
 8. svojeručno potpisanu i od strane nadležnog organa ovjerenu izjavu o nepostojanju smetnji iz tačke VII ovog Javnog oglasa, odnosno da osoba, koja je kandidat za člana Općinske izborne komisije Doboj Jug nije osoba koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, odnosno osoba koje je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko/gradsko vijeće, odnosno skupština općine.

IX

Prijave na Javni oglas se podnose Konkursnoj komisiji za imenovanje članova Općinske izborne komisije Doboj Jug, na adresu ul. Trg „21.mart“ br.1, 74203 Matuzići, Doboj Jug.

Prijave sa potrebnom dokumentacijom se podnose u zatvorenoj kovrti sa naznakom “PRIJAVA NA JAVNI OGLAS ZA IMENOVANJE ČLANOVA OPĆINSKE IZBORNE KOMISIJE DOBOJ JUG – NE OTVARATI”.

Javni oglas ostaje otvoren 8 (osam) dana od dana objavljivanja u dnevnom listu Oslobođenje.

Nepotpune i neblagovremene prijave neće biti uzete u razmatranje.

Po zatvaranju Javnog oglasa, Konkursna komisija za imenovanje članova Općinske izborne komisije Doboj Jug će pregledati dokumentaciju, a sa kandidatima čije su prijave blagovremene i potpune, obaviti će se intervju, nakon čega će se sačiniti rang lista sa redoslijedom kandidata, prema uspjehu postignutom na intervjuu.

Predmet intervju bit će poznavanje Izbornog zakona Bosne i Hercegovine.

Javni oglas će biti objavljen u dnevnom listu Oslobođenje i na web stranici Općine Doboj Jug.



Predsjedavajući Općinskog vijeća
Hasan Škiljo

A handwritten signature in black ink, appearing to be "Hasan Škiljo", written over a faint grid background.